

雞足山志

地733.5

68.82

部=6

雞足山志卷之九

藝文 中

明

碑記

迦藥殿記

翰林李元陽 中谿大理

嘉靖二十六年余遊雞足將至袈裟院三里有老僧執爐遠迎余問何以知吾來曰夜三鼓殿鐘不擊自鳴三聲以往來占之當有吉祥事故出山探聽果有大貴人登山此山靈預報耳及入殿參禮

雞足山志

卷之九

碑記

一

見空碑臥地曰先師欲請大人作文日復一日因循數年先師去世衆徒望門逡巡遂至今日余嘆曰此鐘鳴之因也乃援筆爲書院之本末於石院在山半忒大頂六里永樂間羽人結菴成化間菴廢僧圓慶始創茲院以此山爲迦藥尊者守衣之處故名袈裟云歲元旦四方慕聖蹟而來者以萬計未至石門五六里山益峻磴益陡遊人至此騎者止徒行者息饑者待舖渴者求漿然岩傾屋狹置炊無所客頗病之慶乃鑿岩拓地爲殿爲樓爲



門堂爲厨漏置陶甃作旨蓄以供客于是賓至如歸遊者日以衆慶傳可義嘉靖間添置常住接待雲遊院用興盛可義傳悟成萬曆間瀉銅像重修寺宇悟宇悟教亦相與戮力茲院遂與大刹並稱焉

賓蒼閣記

前人

雞足遊觀之勝在華首一壁然遊者往往並壁而行視壅于壁得其十之一而不見壁之全勝也大頂西南行里許有磐石出于絕壑之上可以坐嘯

雞足山志

卷之九

碑記

二

又名拜佛臺一登此石則華首千仞蒼然起于東北令人意動神竦全壁之勝舉在目中遊觀之奇無有出其右者陽旣于大頂建釋迦殿至此募人出貲授僧眞淨命建一閣將讀書其中頃之閣成趙雪屏題曰賓蒼陽嘗徐物色之其橫絕地維如細柳淮淝之陣示人以勇其頓挫起伏千態萬狀如上林長門之賦示人以文其峻拔不可徑而造又如陳蕃之榻李膺之門示人以介其正色不阿如古純臣之立朝示人以忠其靜默不言如古聖

賢之相授受示人以道登此閣也則此實蒼然而來泉聲樹色無非示我周行也大哉賓乎命童子識之

放光寺記

前人

天地之中有山曰須彌環山爲四州南曰閻浮提今之中國與五天竺是也其地向離故其人剛健明利非他洲比誠習之以善救之以道其入聖可立待也故諸佛興慈以次降生焉釋迦佛後應補佛位而降生者曰彌勒釋迦命大弟子迦葉持佛

衣待其出而授之飲光入定雞足山蓋正像末三泐未竟故踈時也先佛在靈山拈花示衆獨迦葉微笑深契佛旨故命之以傳衣傳衣者傳諸佛之心此皆本實之語非誇誕也按內典雞足與耆崛山相鄰此地在唐以前原屬西域天竺界內况世傳小澄之事石門旬然中開實爲靈異且聞嘉靖間有僧棲石門三載嘗於定中由石門入見殿宇紺碧沙門衆多榜匾聯偶皆金歷歷記憶雖世間老子文學者有不及謂非佛祖靈地可乎石門之

下時見光瑞或圓相或攝身與五臺峨眉大都相
似余卽其地建創精藍因字之曰放光焉枕崇崗
而列屏嶂襟抱比密風氣翕藏至其地者則見諸
刹皆在山之肩背而放光獨當胸臆之穴爲可嘉
也余乃白諸名衲上自大頂下至寂光勝峰合諸
刹而爲伴從放光以爲主歲祇一期長者百日短
者半之又短者又半之歲恒一週焉庶通假有借
無之名而入實相忘體空折色之跡而造真源當
有入彌勒之寶樓契迦葉之笑拈世尊之花者矣

雞足山志

卷之九

碑記 四

彼區區致疑于石門之開閉者又惡足與議哉

光明寶塔記

御史 孫愈賢 念齋

雞足山巔舊有浮圖俗傳迦葉尊者入定其下每
遇風雨則灑灑籠蔥中輒放光燄似霞非霞似火
非火自塔而起旋繞峰巒照耀林木故俗呼爲放
光塔云歷年旣久圯廢因之庚子春余遊此山自
勝峰而上履崇崖陟危梯達塔所小憩見塔僅存
舊址嘆息久之數老衲向余言曰此山爲西南名
勝與五嶽太華峨眉諸山同稱其間梵刹以百皆

美輪美奐金碧輝煌漸至山巔則景象蕭瑟僅僅
一塔猶然隳頽且山之名勝謂是迦葉道場使迦
葉間居塔下顧坐視其隳頽而各刹則巍然煥然
極其美麗是刹本實而茂枝葉也遂與二三同志
議修復之舊制短小窄狹且以頑石實其中故隨
築隨壞茲則以石爲基以甃爲骨以銅爲頂結構
管束類以鐵爲之中虛外直七級四方各丈許
高可百尺玉柱標空金精耀目自下方觀之不啻
如在天上卽阿育王般若塔莫是過矣所以壯雞

雞足山志

卷之九

碑記

五

足之偉觀舒迦葉之靈氣不在茲乎經始於辛丑
三月六載未就丁未仲春侍御周公懋相西巡登
覽厚助之刺史李公應霖捐俸委官刻期督率遂
落成於是歲五月故援筆記之

仰高亭記

代巡 周懋相 鶴珣

雞足乃西南靈山釋迦大弟子藏衣處卽所謂華
首門者是余爲諸生時聞近溪羅公以綿裹膝登
其頂竊意此必非人跡所可至歲之春余巡滄洱
事竣取道鄧川入山雨聲浙浙心訝山林其無意

我哉過放光寂光二寺宿于大覺抵夜雨霽詰朝
乘肩輿過補處有西粵苦行僧如正年八十餘進
而叩之大都多勸爲善語爲題雪衲苦修四字上
至迦葉殿履石磴爲兜率菴門垣逼路近尺許下
臨絕壁稍上至銅佛殿又東爲袈裟石衣履跡宛
然僧云此處可觀日從此上猢猻梯石芒外露履
納其中攀緣而登手恒在頂膝恒在胸所謂前人
之足觸後人之帽非虛語也數息乃至頂點蒼如
豆洱海如盃五百里內山川皆在目中印土雪山

咸臨几席翛然有御風馮虛之想從此下束身崖
禮佛臺東過曹溪功德二菴以水得名也又東則
華首門東爲羅漢崖下卽楊黼修真處又東有靜
室乃關中僧如唐所創遂循故道下抵大覺宿焉
次晨過龍華石鐘二寺入大士閣額曰西來第一
山是遊也履跡所到僅涉茲山十之二三然其大
端可觀也是山羅李二公題咏頗多余惟宇內名
山不少往往以人見重蘓之赤壁杜之艸堂李之
采石尚使人景仰况濂溪考亭千載艸木猶香哉

二公皆闡釋聖真斗山後學而先後遊此可謂非
濂溪考亭也歟哉乃爲樹于要路曰羅李二先生
遊處題之曰仰高并爲紀茲遊與所以樹亭之意
使後遊君子知探奇覽勝不足爲山重要有所以
重此山者

悉檀寺碑銘

憲副謝肇淛 在杭

蓋聞大道先天妙啟無生之秘靈根出地頓登有
覺之門積著成迷陶鈞不能運其變緣聞入悟欣
厭無所介其懷固非方隅可得界域意想所能思

雞足山志

卷之九

碑記 七

議也粵自帝車南指揭七耀于崑彌佛鉢西來絢
五雲于震旦經駝白馬雒陽徵神旭之祥刹建青
龍新渚感浮楠之瑞歸依練若彝漢同風咫尺耆
闍山川特異矣雞足山者益部之神丘金方之福
地也崖盤九曲峰偃三支絕壁雲霞映藤蘿而散
采諸天日月耀若木以恒明洞藏振海之潮篁濤
捲雨峽度慈雲之徑石闕行空靈山雪嶺讓其清
幽龜島雒伽同于培塿故迦葉波守衣以待彌勒
涅槃之雙樹猶存暨僧小澄起尸以化蒙彝華首

之半門自闢仙居從天竺飛來香阜分儀佉王氣
然而黃金未布卓錫無期團焦兩燬于鬱攸無雞
漬羽棟宇久隳于禪窟有鹿爲場歲月已淹蓋有
年矣麗江世授太守加叅知政事木君體玄邁種
味道忘食現護法宰官之身具大善知識之力超
然遠覽慧居六度之先卓爾澄心義徹四觀之奧
相陰陽以開福梵結因勝而攷著龜菲食惡衣賦
集三千緡累黍搏沙經營二十載乃致子來之衆
庀毛聚之材約椽轟鳴不假閭浮驅萬鬼輪囷煥

起無煩暗啞助千工鳥斯革而翬斯飛山爲礪而
河爲帶題曰祝 國悉檀禪寺其前丹樓五楹紺
殿十笏歲時祝延之所也鴛藍門外銀榜昭回龍
尾道中璇臺爽塏借西方極樂之土爲北辰環拱
之區三界百祇率龍象而拜舞千峰萬壑隨嵩華
以懽呼所願 宸極昌熙永歛箕疇之福 皇圖
鞏固上同兜率之天此則葵藿之精忱廉陛之大
義也豈與尋常雜宣室之釐黼展叅香城之位者
等哉於是珠林鎔落寶所聯翩月殿雲階拱金安

而映發錦磚縹瓦翼猊座以高趺天王示變化之
端如來現慈悲之相講談席布晨昏諷誦之音經
閣旛飄遠邇蛟螭之影耆舊學者把臂入林搭掛
道流隨心結夏香檀舒蔭則羣暘咸蕪泐炬縣光
則重昏盡曉至于烟霞佳趣山水清音遠岫踈林
夜發魚山之響靈湫伏瀨寒抽蛇壤之泉松風共
竇鐸齊鳴嵐翠與天花並落牧歌樵唱韻逸精寮
忍艸優花香瀾疊嶂四山積雪吹涼火宅之塊百
里洪鐘敲醒塵勞之夢信仁祠之鉅麗柰苑之奇

觀也是役也經始于丁巳之嘉平告成于庚申之
林鍾適余方有入賀之行而衆以徵言爲請夫省
方登封臬臣之惟職揚休祝 聖五服之同心遂
倚脂車粗陳梗槩銘曰大道渾淪有聞乃先惟神
妙物惟教統天吉樹道成香檀相起象駕東驅鷲
峰西峙衣傳迦葉泐演摩騰千流片筏萬劫一燈
孰其作者畱茲筌蹄誰其述之沈灰搏泥雞園旣
彝雁堂爲隰龍太潭空鶴歸林寂道以人弘泐由
心轉微言未絕勝地斯顯穆穆守君奕世銅虎克

孝克忠允文允武舍彼已趨耽茲淨業百堵俱興
四天爰協彤墀砥平紫殿嶸嶮恭祝蕃釐山呼雷
動鬱鬱叢林煌煌丹牖夏藻敷荼秋蓮布馥風柯
夕籟月鏡朝容壁鋪錦繡峰吐芙蓉旣妙莊嚴亦
饒佳趣鐵輪不煩金地自布迦毘無域菩提無根
惟德惟善覺泐之門名山不騫貞珉可紀與國同
休令聞不已

玉龍閣記

郡守周仕國

蘓長公嘗言古今畫水多取平遠細縐其善者不

雞足山志

卷之九

碑記 十

過能爲波頭起伏與印板水祇爭工拙于毫釐間
耳唐廣明中處士孫位始出新意畫奔湍激瀨與
山石曲折盡水變化號爲神逸夫論水者無不之
江之河之海以爲大觀而孫位之畫子瞻之評乃
在於是不亦奇乎雞足泓崢蕭瑟名聞海內而諸
峰秀峭插于雲表固不可名狀至崖際縣泉更洞
心駭目令人徘徊不能去蓋洄者縈奔者激其垂
而下者如飛烟匹練懸掛于章之木杪試與九嶷
五洩爭勝山中諸泉大概會流于茲泉上石平可

畝許若席若堂水流約畧石隙中又若斧鑿然稍
右數武爲攢峰疊嶂若限闌與折而左崖石陡峻
若獅蹲虎伏壁立千尺勢不可少待閣據泉上游
其中洞然若城欄其下流聲瑟瑟若津梁其上供
白衣大士金像弘敞四達入之可以觀泉之來出
之可以觀泉之往奔騰直瀉墜之潭有聲淅然而
兩崖烟霏霧箐卽六月盛暑猶寒氣逼人閣前崖
置亭以便觀憇坐對之久覺朱藤綠樹與金碧素
流映發卽孫處士染毫伸素當不過是夫茲爲迦

葉道場輶軒之至無虛歲名僧卓錫開士幽居詠
歌點綴幾無剩賞斯泉獨蒙茸艸昧至今始發其
靈豈有待而然耶仲尼亟取于水歸諸知者之樂
彼有所契也余非其人姑記之以俟來者

重修雞足絕頂記

進士 陳天工

世傳雞山迦葉非迦葉佛也乃大迦葉波受文佛
傳衣以待彌勒也於稽郡乘位置耆闍崖東北後
支如距前支如爪有三支焉中支之半亘有梵剎
崇奉迦葉號迦葉殿直指張公登山四顧指猢猻

梯曰觀絕頂奇氣籠蓋此梯人馬愁度天所以限
仙凡徘徊樓臺錯落如掛似非人跡所到者歿則
迦葉之殿當建此頂命僧繪圖來觀乃于天長閣
前雉其灌莽平其坎坷得佳地建殿五楹山門一
座耳廊各三間外築以城高八尺周圍一百餘丈
四正有樓按圖經營鳩材于山陶缶于麓登登丁
丁聲亂飛瀑計落成凡幾閱月金碧輝煌兀突天
半稱雞山叢林第一云由是至止者皆曰直指功
德無邊迦葉法輪常轉使永傳而顧祖歷浩劫而
雞足山志

卷之九

碑記

十三

難灰天工陪奉山遊與聞巔末恭承命記因次當
日語付之石焉

天長閣記

州守 蔣爾第

夫談滇中名勝必曰雞足其山形紆折林木鬱蔥
諸禪宮貝宇森嚴繡鎔居然上方佛地也獨一絕
頂寥寥亭臺爲風雪所侵幾成猿獠之窟羽人不
堪棲身且棄去矣遊此頂者歷天歿石級而上舍
輿而武者可半里許旣至不免氣喘汗浹而靡一
稅客處感發刺骨卽炎暑不啻朔風然羽人獻一

名不移時循級下矣余方經營謀度使棲神有宇
聚衲有房停車有所爲此頂長久計而說者相與
難之謂安在削壁之上而木石丹堊致其巔也會
直指朱公登臨選勝感碧嶺之荒落發贖鍰于林
取材于山取石取瓦于近麓筭工給直併力料理
舊有觀風臺直指潘公所建仍而不改所益者大
士閣護法門及東西兩廡閣之上戶牖四徹可遠
眺閣之下砌築堅密可休可憇以丙寅二月經營
四月落成報命于直指嚴其門曰天長蓋爲國

祝釐至意也復奉憲檄徵他州贖鍰買百金之田
以爲常住命僧來秀主其田以供香火是爲記

大士閣三摩禪寺記

州守

廖士伸

雞足爲滇名山海內有聲稱焉余奉檄賓川而茲
山界在封內每政暇輒登眺梵刹森列各標其勝
白雲杳靄蒼翠凝疊未嘗不冷然有出塵之想歲
乙巳初夏直指沈公按大理過而遊焉却輿履行
攝衣履險踞華首之頂一指顧間風嵐海色爭奇
炫秀清磬梵響時隱隱遠散林表疑脫世氛從天

際行也既旋命士伸卜一勝區建閣于上以供大士擇緇衣實行者崇祀冀斯夕祝釐上延國祚默以祛災釋患爲生民造福伸徃得形家者言山岐而大枝三唯一小而卑圓而長者峙于中蓋爲茲山大關鍵曰山之前足當其勝矣繪圖以呈報曰可於是捐貲四百金命伸董其役且徵得一老僧古言者戒行如一人樂歸從茲爲勸募遂于八月經始開山採木鳩工爲高閣四丈有奇前樓三楹左樓右堂相對翼如棹楔題額香積蔬圃因不

周悉圍垣七十丈越次年丙午告竣金像隨亦焜擢錫名曰三摩禪寺以大士所證入而名之也旨哉閣與山稱僧與閣稱則凡任持此山者未有不思自利利他者矣雞山將益生色興揚稱雄海內也哉

傳衣寺記

阮尚賓

屏蒼

雞足滇西名山與蜀之峨嵋晉之五臺海內並稱勝者傳衣雞足首刹山形尤奇絕焉記謂釋迦入涅槃令迦葉波守衣此山以待彌勒華首門卽其

入定處也此傳衣所爲取乎第傳衣故圓信菴大
機上人所創嘉靖間中谿先生與賓川朱守山游
秣馬於此夜復對榻譚大機一達宗旨且與其徒
印光戒律並嚴二公重之遂捐金復創招提前起
高閣題曰天下第一名山望中林木青葱雲山廻
合可以滌塵襟而縱遠目真奇概也直指諸使君
按部地方靡不爭覩其勝云法界上人名曰寂觀
印光之徒也往承衣鉢棲跡茲山戒律一如其師
尤多證入曾建藏樓貯經蓋行僧乎又舉高僧所

菴名真澄者爲上首余殊禮致之方議春秋開講
居無何忽有回祿之變時萬曆辛丑元日也明年
法界詣余請曰寺已災不忍見此煨燼無亦劫數
歟乎所賴明公鴻力一興復之庶福地不致丘墟
山靈幸矣余喟歎曰厥功甚鉅肩任之難也內德
云一水無以和羹一木無以構室誠得有力者贊
之庶幾哉隨謀于慎吾揚君君曰再創禪林勢自
難已第所乏者財也公倡之余贊之不足者募之可
乎余曰得之矣遂自肩厥事爲之經始議採木於

諸山慎吾亦有所助正殿鼎建諸費余悉佐之又
募諸縉紳及境內善信共貲若干未足也法界復
以自置田易價充之逾年大功落成規制視昔甚
弘麗計正殿三楹高七仞斗拱錯陳上凌碧漢中
殿五楹高三仞棟宇巍峩成以良材左作大方丈
右作大禪堂各三楹俱與殿稱左後爲香積爲寢
室爲經樓前爲寺門爲寶坊不一而足殆一時之
鴻構乎殿塑三如來皆銖衣瓔珞之像中則余與
愼吾莊嚴之左右則洱城世官楊如檟龍閑八十

老人蘓得賢所發心也阿難迦葉則自全忠爲之
其未竟功德又不能不俟諸善信焉諸山謂寺成
余應有記余曰寺之廢興數也數應廢不能卻劫
火之不焚數應興自能致天人之協應卽緝殿之
巍峩龍象之赫奕雖出諸檀之助力乃冥冥中幽
贊其成者豈不微也異日有總持爲空門之護法
復得任事之僧如大機如法界焉則香火常新祗
林有賴茲寺與茲山同其悠久可以寄吾心于百
世之下脫或蹇力不勝香象之負祇有蹄蹶耳豈

余所望于後之人哉噫觀茲刹者當知所興起矣
本朝

雞足山藏經記

李仙根

蜀遂

古者天子諸侯祭望山岳以其能興雲雨濟化育
厥功茂也而當世所稱四名山不與焉然而天下
士庶無愚智賢不肖奔趨瞻慕彷彿靈跡爲奇特
轉相告語有恨不及見者豈真佛法弘妙感服固
如是乎昔大雄氏四十餘年導引無邊及其末以
正法眼藏獨付摩訶迦葉葉入雞足山以定阿難

尊者以寶香貌之至於今弗替然則雞足當首四
山而又不與何也曰遠也自須彌山王分枝擘脉
徧四天下崇峯邃谷莫知紀極以其遠也祭望缺
焉卽雞足爲宗旨淵源猶或遺之况夫人七尺之
軀百年之寄道業深厚而踪跡隱約名限疆域者
豈少耶是山有八大刹有賜藏四兵燹迭罹半付
劫灰僧慧輝爲破山老人四世孫住持迦葉殿觀
其厄傷焉爰走姑蘓苦募四寒暑遂得正藏三百

像莊嚴以歸而遠乞記於余或謂三教聖人皆以無言爲宗當尊者拈花時寧有點畫塵屑齒牙間數千年惟藏是崇忽而御賜忽而烟消未聞西來真意有此起滅也况如來密義不可思惟結集以還編次重譯已稍履迹之間展轉論釋辭意詭譎有識者嘆之恐微笑者今且大笑也李子曰夫天不言而四時行道無名而文字通謂文字非道猶舍四時而言天也且夫虛空之中莫非水火人奚見之及索以陽燧則熾承以方諸卽液一切典章

雖若塵積其實等虛空也人恨不持陽燧方諸耳何懼不遇水火哉當今末法行願疎薄各矜少得以爲貴及夫同道分鑣拆正無術外者橫加排斥卽偏師左次正緣寡陋積習無復廣學多聞者融理事而具辨才故也古人謂益人神智罔過于書般若精進曠劫莫殫中華之教以簡奧爲體學者徒以一二字訓釋輒云貫捭甚有訛謬相承不自覺者內典之妙從象胥中不厭詳密鼓吹斯道良非一端斯所謂智慧泉也然則輝公是舉豈獨揭

人天眼目于珥海天南卽其所經涉應求間無量善信資助傳說已莫不知有正法眼藏所從來固知賓川之松望風回指法寶之氣燭井鬼而光徧河沙雞足一山當自立名五嶽不必六四山不必五夫何遠之有

天一閣記

范承勳 瀋陽

雞足山相傳乃迦葉守衣入定處雖荒唐不可攷然此山爲六詔名勝其來已久余制滇數年思欲登之無由也辛未冬奉

旨巡歷金沙江至賓川會

提軍諾公山在賓川境

內相望數十里遂得便道以遊信宿而登絕頂因見山中菴院多被火者絕頂亦然惟銅殿巋然獨存殿後新建佛堂三楹爾詢其故僧云山頂乃火星有遊僧謬爲建塔以故火益熾十餘年來災疊見舊有高閣培水星以鎮火今以燬欲毀塔恐阻於官欲建閣苦綿於力余爲諭州牧聽其毀塔且商之 諾公各捐百金以助閣費三閱月而閣成僧來請記余惟雞山之勝幽崖邃壑各有其奇然

而大觀皆在絕頂其南則賓川烟火洱水浮杯其東則金江奔濤澎湃千里點蒼西拱雪峰北峙誠勝槩也吾知登斯閣者凭欄四望山川之形勝民生之休戚邊塞之隱憂必有動乎其中而思爲國家賦澄清計久遠不僅以登高作賦後遊觀而矜逸樂已也余旣因巡歷而登此山又因山之勝槩而同諾公建此閣更思閣以鎮火遂取生水之義名之曰天一是爲記

雞足山迦葉院藏經記

王繼文 廣寧

余讀中秘書時卽知滇有雞足山也自迦葉奉佛金縷衣入定是峯其名遂顯雲霞掩映烏羣具瞻屏巒之所迴合泉流之所答響賢士大夫贈詩作賦見諸載籍者汗漫縱橫咏誦之餘神相往焉每欲一至其地以徵當否今幸奉

天子命兩撫是疆自謂夙願可酬又因距省尚遙未遑躬探幽竒且惟民事是念家絃戶誦較重於貝葉曇雲上原下隰加切於高山流水余日事其所當事而意中具雞足觀也戒僧淨極者振錫此山

慨迦葉院藏經燼于劫火偕其徒慧暉携瓢荷杖
足跡遍天下歷九年購經貯之所謂三車萬軸者
罔不具備因請記于余兼爲余道茲山之景乃與
昔持詠誦無異焉夫佛之教無言可傳者也何有
於經卽托之經亦可因什一以推千百又何有於
藏淨極之爲其於靈山拈花示衆破顏微笑之旨
或未貫乎雖然教以無言而傳亦以有言而悟學
佛者宵中香浮夜分鐘盡無不可卽象以見性况
乎白馬駝籍黃磔闡微諸維摩所現身設法得以

雞足山志

卷之九

碑記

三十一

廣紀博采其爲昏衢慧燈真未可量淨極之爲亦
云盛已余願居此山而翻研者不當使迦葉專美
也是爲記

重建華嚴寺碑記

學蘊

天下名山蓋如五台峨嵋乃大菩薩應蹟道場惟
雞足山卽我迦葉初祖入定華首以待慈氏之勝
蹟也攷自周孝王十四年丙辰歲尊者持僧伽黎
叱開石門捧衣而定至大唐間神僧號小澄者朝
遊榆城歸華首國人欽其神異始創精藍而崇

奉之卽迦葉殿也其華嚴來脉自大頂而下中距
一支貫絡連珠蜿蜒數里岑巒拱翠展誥舒文龍
虎交蟠雄開大嶂昔爲熊豹之藪嘉靖初間月潭
和尚卓錫南來德馴猛獸草創成規而上足月輪
禪師遊化京都道聞內闕欽承

神宗皇上奉

慈聖宣文明肅皇太后懿旨勅頒龍藏特賜紫衣奉
命還山乃萬曆庚寅年事也有大善長者張公諱
舉郭公諱子榮從而鼎盛麗江府方伯木生公卽

雞足山志

卷之九

碑二十一

爲建毘盧藏閣置捨福田四事悉備雲水麈集鐘
鼓交叅道風日著偉哉雄冠一山豈憶明季戊戌
春祝融爲祟一夕攝去然造物雖有廢興而道德
原無隆替良可慎歎賴有同志抱道耆德數輩堅
心株守屈指十有六年誠格佛天善緣頓際于康
熙癸丑仲秋月遂感檀越吳公諱文華乃豫章名
族旅泊滇南菩提有種生知從善無異給孤之誠
有闡提之効一力擔荷曾無膩意建大雄糾殿供
三世如來左右廂樓曰雲堂曰禪室過道山門皆公

獨荷鼎新隨置香燈田莊鑄之碑陰而寺衆各各
出手竭蹶從事修厨庖構廩舍補殘缺緝弘規僅
一甲週遂成弘鉅祇園雖曰人力拮据皆因地勝
龍靈始能恢弘若是詎知今日之大成實乃千古
之壯麗惟榮惟粹獨耀獨彰宛然帝網莊嚴華藏
世界之一大觀也蓋華嚴之極談談斯道也佛祖
之所傳傳是心也第居是山住是寺當何以用心
哉孜孜如履冰載道念念體究無生出亦此法界
入亦此法界理事全彰戒乘俱急晨昏鐘鼓祝釐

無疆曉夜佛聲自他俱益則四恩總報三有齊資
矣今大功告成寧不叙諸大綱以紀厥勝癸亥冬
知桓公爾足千里造九台見訪云今華嚴梵宇剏
畢請師椽彩一記以垂不朽余曰作記猶易爭奈
山居無文何公曰正需無文而不可得故直叙其
始末云爾

鄧川州奉道府廳明文碑

大理府鄧川州爲祈天垂慈復新香火普霑恩澤
事奉分守金滄道批據雞足山各寺住持僧吉

祥儒能排寂周輝悟寬如滿道慈歸恒如堂普惜
普合性讓元炤玄冥智元普林普潤通文如常普
勝超塵性學德符智印體一妙定通泰周賓等連
名訴前事訴稱雞山各寺院宇所有常住俱皆十
方檀越捐資置捨奈因節年錢糧各僧戶完納不
前被康熙元年内里排將僧等妄扳置日夫馬雜
差前蒙本州于天啓年間加察詳奉 院道府老
爺批允賞立直隸勒碑蠲免一應夫馬雜差以救
香火年久無異俯炤舊例勒碑仍賞蠲免雜差夫

役香火得以重新永禁奸究扳扯等情奉批雞足
古佛道場寺中之產不過以供香火贍僧衆兵燹
之後佃民寥落不致盡成荆棘者幾希矣相應稍
與寬恤仰鄧川州查例免其雜差報奉此又奉

欽差分巡金滄道沈 批仰鄧川州查例具報奉
此又奉 本府批雞足僧戶糧重田輕一切雜差
久已勒免楊映等忽行科派希旨肥已何其塵根
深重獨無香火情也仰鄧川州查例具報奉此又
奉 理刑府批仰鄧川州酌議應否另立僧戶務

得公私兩妥并候院道府批示報奉此依奉差役行喚各寺住持到州該本州知州劉詳看得雞足山僧常住田地原額稅糧共壹百柒拾伍石肆斗叁升零悉係檀越施捨田輕糧重隨在里甲至天啓初年適院道巡臨雞足僧人吉祥等具訴被里排科派侵收返殃賠累准改直立僧戶輪納正賦其一切夫馬雜差奉文優免勒碑石尚存自定鼎之後大兵雲集公務浩繁此見役排年楊映等在于前官具呈扳扯同辨今僧人吉祥等復

雞足山志

卷之九

碑二十五

援往例籲懇新恩連名控訴本州敢不仰體

大乘慈悲與之寬恤以昭一憲臺菩提之念相應從前舊例再沛新恩其碑內原額併近置一捨餘石之夫馬雜差所當一體蠲免候詳允日行僧遵照永禁妄扳重新香火以垂憲恩於不朽者也業經具由申詳

欽差分守金滄道紀 奉批既有舊例可從如詳

發落繳奉此又奉

欽差分巡金滄道沈 批如詳行繳奉此又奉

本府批如詳行仍候

守

二道臺批示繳奉此又

奉 理刑府批仰候 各上司批示行繳奉此遵

將雞足山各寺住持僧糧每年僉僧二名輪流便

換應役自行催辦舊管稅糧壹百柒拾伍石零并

近置新收稅糧壹拾柒石有零免其額外置日雜

差夫馬等項以成善果以供 佛天香火里甲不

得再行扳扯至於正賦應納稅糧本折金價各欵

與民間一例輸納不得借此藐州抗法肆行拖逋

亦不得通同俗戶假借名色稱置常住將俗糧詭

雞足山志

卷之九

碑二十六

入僧戶希旨蠲免雜派倘有故違查出僧俗一并

究治相應永禁合行勒石州前遵守

鄧川州知州劉登雲

署吏目

張

李伯昭

全立

詳允雞山直隸僧戶碑

大理府賓川州為懇

天

循例直隸僧戶以永名山

香火事奉 本府信票奉 雲南等處承宣布政

使司批據雞足令山住持僧月潭可春道涵法光

源彞純了如全守禮等訴前事詞稱情緣雞足山

常住田畝俱係遠年檀越施捨非糧重卽荒蕪正

供難輸兼以夫馬雜差糧丁之苦僧衆遠逝一山
棘莽爐烟寒冷佛面生塵幸蒙本州清廉父母垂
憐猶恐錢糧拖逋遂照滇省諸刹事例將山門稅
糧剔出另立直隸僧戶自行輸納正額外蠲免夫
差雜派各項招集數僧辦納錢糧庶賦額不失幸
際天星坐鎮千載竒逢僧等具訴批賓川勒石以
垂永久庶里甲不致混扳佛僧霑恩等情具訴奉
批仰大理府查報奉此備行本州卽查雞足合山
稅糧果否照滇省事例另立直隸僧戶其正項之

外夫差雜派應否准與蠲免其中有無明避虧額
逐一細查妥確并將另立直隸稅糧數目造冊報
府以憑覆查報司酌奪施行事關錢糧重務毋得
違錯等因奉此該本州看得雞足山雖不比他處
名山乃滇中之巨觀也 承平之日每有高賢
貴客往來遊覽多捐資斧修葺以致合山僧衆易
於支撐毫不以錢糧差役爲累奈近因遭兵火之
後糧差之外更加召買僧人逃竄田地荒蕪寺宇
傾頽神顏敗壞眞所謂十寺九空人烟寂絕者也

共計本州稅秋貳百餘石卽正項猶恐拖逋難輸
其丁糧差徭安得望其支應雖經卑職於十八年
見此光景准炤通省之例將各里錢糧剔出立一
僧戶止納正項豁免雜差此猶可甦其困苦於萬
一也但僧人慮其官之去留無常事之更變甚易
乃勒石哀請 恩垂永久是誠共保名山之盛舉
也除將夏稅秋糧另冊開報外伏乞 憲恩俯念
佛天香火作功德主慨賜轉達批示庶便遵炤等
因具詳到府據此該本府看得雞足山滇中稱爲

雞足山志

卷之九

碑三十八

名勝往往有奉 佛僧真之士棲於此近因糧累
僧逃以致山門荒廢不足惜者今賓川州將僧戶
另立免其雜差旣無悞於 國賦復有禪於山

門誠爲兩便之道今據該州查報前來相應俯准
勒石垂久倘蒙俞允則 憲臺功德當與山石俱
永矣等因具由於康熙叁年正月二十九日申詳
布政司奉批准如詳行繳奉此康熙叁年伍月初
三日又奉 分守金滄道批據本府申詳亦同前
事奉批雞足山近聞糧累僧逃名山勝地幾爲荒

廢准如詳速行該州勒石永久可也此繳奉此合
行知照爲此牌仰該州官吏遵照來文內事理卽
將雞足合山稅糧剔出另立直隸僧戶其正供應
納之外一應夫馬雜差遵照 憲批准行豁免仍
於州前勒石垂久務須極力招集僧人照舊歸山
辦納糧賦勿致荒廢所有另立僧戶稅糧數目造
冊報府以憑轉報 布政司 糧糧二道及本府存
案備查亦不得將里甲民糧混入僧戶如違未便
奉此合行給帖外仍於州前勒石仰合山住持月

潭可春道涵悟高源靈等遵照凡有僧戶常住田
畝遵照詳允另立直隸僧戶自行照額輸納稅糧
外其一應夫馬雜差等項悉行豁免如有里役人
等混行扳扯起派許執帖赴稟以憑查究俱毋違
錯鑄石永久垂銘

奉直大夫知賓川州事榆關張瑞揚立

豁免雞山雜差碑

大理府正堂加一級王爲祈天超釋置日廣濟香
火事康熙二十一年六月初四日奉

欽命綏遠將軍總督雲貴部院加一級蔡 批據
本府申詳康熙二十一年四月初十日據鄧川州
申詳康熙二十一年三月十一日奉本府批據雞
足山直隸僧吉祥儒能排寂悟寬周輝如滿圓炤
性讓普勝道慈超塵普合如堂普潤智元通泰玄
冥普惜性學德符可春如常妙定會燈周賓通文
慧輝等連名具訴豁免置日夫差緣由該州備由
加看申詳到府據此隨詳批仰候轉詳繳批行去
後復據該州詳稱卑州遵批事理當卽將僧戶置

日蠲除免應各戶僧人尤恐異日紛更又于本年
四月初一日復據山僧吉祥等連名訴爲顛憐苦
極叩請新恩重輝香火事詞稱竊唯雞足滇南香
火各寺菴院昔蒙先檀鼎建稍有常住田地俱皆
衆檀置捨或因糧重或係山岡送入山門作爲常
住當時錢糧在于里甲輸納切被里排科派之甚
于萬曆年間蒙先任本府電察名山疾苦詳明院
司道賞爲直隸自行輸納蠲免雜差勒石府州儀
門永無更異至康熙四年本州劉父母官奉文清

丈田地于額外新加稅糧八十三石當卽具控積弊牢關民隱不得上陳自逆政以來萬苦難言賦稅百倍歛徵雜款千層科派佛爐殆盡十_二九空佃逃田荒凋殘至極古佛道場悉爲荒山冷廟州前店房盡成羅刹地獄益由里甲不遵憲檄亂法紊規援當置日科派雜差雜泛浮於正供但錢糧賦役僧俗宜辦在俗當差有人丁有手足僧充俗役孤貧釋子干遭鞭撻俗應下程居家者有僧應下程出俗者無十倍購買種種痛苦哭訴恩呈目

擊垂憐申詳本府已蒙批允在案誠恐猾里陽奉陰違更加虐害賞將輿情再行轉達

督撫司道各

位太老爺俯准照例蠲免置日一應雜差復行勒

石鼎祝 新恩以垂不朽等情具訴到州據此該

本州署職知州魏榮復加查看得雞山僧戶因里

甲拔害於昔年訴經 院司批行道府准另立直

隸自辦自輸凡有雜款槩與除免府州勒石見存

近年以來正款有額雜務浩繁僧弱民刁拔扯有之且租少糧重正供輸措不前再加雜泛隨徵僧

焉得不逃田焉得不荒卑州蒞任經徵召買秋糧
本米條編款銀勸諭僧人勉強完功訴及置日情
由原非全書款目不過巧立名色實乃病民大害
故此斗冒代額請豁蒙批准免在案今復再加哀
訴慮恐後日里民罔遵泣切轉詳是欲再行勒石
杜絕扳害鐵案仰叩 憲恩俯准轉達 院司道
賞將置日刪除准其勒石德造名山恩垂永久等
情詳報到府據此該本府查看得鄧川州雞足山
爲滇西名勝莊嚴古刹釋子焚修數百年於茲矣

各寺俱有檀信拾置田畝其錢糧正供歷年自行
輸納一應雜差悉奉 院司道批免勒石碑記現
存緣吳逆叛亂以來橫徵苛歛波及僧伽遂有里
甲扳當置日陋規如下程雞酒購買官物之類僧
應俗差清濁莫辯本府痛革前弊嚴行豁免今該
寺住持僧等恐日後不肖官吏仍蹈前轍具訴該
州詳前來除正項錢糧照額完納外所有置日雜
差伏乞 憲恩批示俾之勒石山門永爲遵守不
惟佛日增輝而功德誠無量矣等因申乞照詳奉

批仰照舊豁免雜差仍飭令勒石永示遵照繳奉
此又奉 巡撫雲南都察院加六級王 批同前
由奉批據詳雞足山固屬滇西名勝莊嚴古刹常
住錢糧八十三石於中恐有包攬情弊仰府轉行
該州查明本山本刹實有多少糧石准其置日雜
差豁免其餘毋得濫行豁免可也此繳奉此又奉
布政司批仰候 督兩院批示行繳奉此又奉
糧儲道批仰候 督兩院並 本司示繳奉此又
奉 分守永昌道批既經通詳 督部院并 本司
糧道

仰候批示行繳奉此本府猶恐不實復行鄧川州
查僧戶錢糧果否八十三石其中無有包攬情節
確查具報去後茲據該州詳稱僧戶常住因康熙
四年內署事知府劉登雲奉文躡丈等則上下肆
易抵昂僧 未獲週知故雞山錢糧於舊管內多
八十三石是實查僧人常住雖屬州境田地坐落
羅川而里民與僧田相隔二百之遙有無包攬豈
得而知卑州再四思惟不若取田鄰及鄰近村庄
并結除取據羅川羊塘里約總孫祚鄉約阮應禎

並百十長田隣互結存案外合就據實回報等情
詳報到府據此除本府備由加看詳覆 巡撫都
察院外合行勒石永禁遵守爲此示仰雞足山住
持僧吉祥等遵照嗣後輸納錢糧止許本山本刹
田地不得分外包攬其一應雜差置日悉行豁免
至于里甲人等不得再行扳扯敢有故違許尔等
赴府陳告以憑究治各宜凜遵勿貽伊戚須至勒
石者 奉憲大夫知大理府事王興禹立
豁免雞足山雜差門戶采買碑

大理府賓川州正堂周爲叩請 新恩急甦困累
重興香火事康熙貳拾肆年貳月初拾日奉 本
府正堂加二級王 信牌康熙貳拾叁年拾貳月
初伍日奉

欽命綏遠將軍總督雲貴部院加至正一品仍帶
餘級蔡 批據本府申詳康熙貳拾叁年十月初
六日奉 本將軍部院批據賓川州雞足山入寺
住持僧普宜妙枝道悟照彥源嵩海聚慧輝等連
名訴前事詞稱竊惟雞足名藍滇南香火昔釋迦

文佛之大弟子摩訶迦葉尊者於多子塔前分燈
奉命入定於雞足華首門其由遠矣彼時無有梵
刹行僧多岩居處至宋元間方啓蘭若遐邇欽風
節連開達俱成大刹重樓殿閣金相巍巍檀那植
福有無盡之莊嚴以致年湮寺古日漸蕭條歷滄
桑之後凋零至極蓋因門差之擾不時采買食椒
菓蠟油椒油等件兼有考場造備棹橈若逢科場
之年更加膳錄之苦且是前應用木植枋板伐盡
風脉株林供應抬送種種困累萬苦難言在 上

雞足山志

卷之九

碑三十五

恩視爲微末在小民實以難當此寺傾僧散之餘
各寺些須錢糧旦夕難撐再加門差困累死徒無
日幸際 爺爺福星照鎮真爲千載奇逢蟻僧等
不憚千里奏請鈞示永鎮山門叩勅府廉所屬嚴
禁倘蒙邀恩不惟佛日增輝而功德共成無量矣
爲此匍匐救命上訴等情奉批仰大理府查報奉
此隨差皂楊應美行異雞足山合寺住持僧普宜
等到府當堂查問據普宜供稱雞足山舊有八寺
今只有五寺了玉皇閣被火燒燬當家僧海聚已

故下剽的逃竄寂光寺已爲錢糧有累也逃竄了
迦葉殿也逃竄了因是當日佛弟子古刹我們衆
寺裡僧人現在募化修理剩只有五寺其香火田
土俱係衆檀越施捨的好田未必肯捨在寺裡都
是荒蕪薄田捨在寺上其差徭俱隨田轉俱照民
例一例當差寺上僧衆俱係托鉢募化非在家者
可比懇老爺正項錢糧照例完納止求門面雜差
賞免又問妙枝道悟等所供相同等情據此該本
府查看得雞足一山原滇南名境其山中花椒蜂

蜜木植等物向來該地方官或別採取辦於彼情
亦有之然曩時僧多寺廣可以衆擎易舉若今日
寺廢僧逃艱於應辦自應悉除阻官以安僧無至
於雜派業蒙 憲臺頒立碑文已經永遠禁革矣
則雞足五寺常住錢糧除正項照額輸納外所有
一應雜差及膳錄寺須此照水目山例悉行禁革
俾衆僧得以安然焚修以綿香火頂祝 鴻慈於
不朽矣是否允從伏候 憲裁批示等因申乞照
詳奉批如詳禁革仍給示曉 爾繳奉此除勒石永

行禁革外合行知照爲此牌仰該州官吏遵照本府詳奉 將軍部院令批奉理雞足一山錢糧照立僧戶正項照額輸納外其一應雜派公務採買膳錄等項永行禁革不許再行派累如有查出定行重究仍具不違遵依報本府以憑轉報查考施行俱毋故違除報一川知照外因此本州除具不違遵依報本府轉報外爲此示仰雞足山八寺住持僧普宜等遵照本府詳奉 本將軍部院令批事理雞足一山錢糧照立僧戶除正

雞足山志

卷之九

碑二十七

項照額輸納外其一應雜差公務採買膳錄等項勒石永行禁革外其里甲無知諸色人等不得妄扳如違許僧人赴州陳稟定行重究决不寬貸須至碑者

賓川州知州周家柱立

明補遺附

詳允雞山直隸僧戶碑

大理府爲敬陳輕徭之議等事崇禎十年二月初十日蒙 巡按雲南監察御史張 批據本府

署印同知王呈詳雞足山悉檀寂光聖峯石鐘大
士閣幻住華嚴迦葉會靈寶蓮懷恩等寺住持僧
吉祥儒能等常住田地坐落羅川稅糧屬于羊塘
里輸納先年周知州條議十二里夏稅秋糧二項
稅糧條編一項均徭條編一項金價一項編爲合
徵責令細戶自納不許里長包攬具文通詳彼時
吉祥等赴院訴准批州并將雞山僧戶稅糧一
百二十七石另設直隸僧戶親自輸納不在羊塘
里內徵收至于修理協濟雜派夫馬人丁因上

司巡臨雞足答應悉行蠲免詳蒙 巡按羅 批
允勒石嗣後里書卡養正李正學將各鄉紳稅糧
混如直隸僧戶數內閃避雜差正賦歷年拖逋攤
累十二里士民有曉曉不平之忿至崇禎九年署
印陳經歷遵奉 守道信票前事仰州卽將奉
旨酌免存留錢糧編丁則例作速議妥詳報立等
通詳批示彙總回 奏等因該州編審人丁查
此弊竇具由申詳 巡按李 批直隸之名卽自
納戶也該州何時設此仰大理府細行查核利病

速報本府將作弊里書卞養正等并逋糧人戶行
提到府細加研審僧戶吉祥等稅糧歷來完納無
欠仍准照舊直隸自行輸納彭惟粹孫存壽張奇
張彥等歷年拖逋斷歸本里催徵外革去里書日
後不得再蹈前弊混入直隸錢糧里長猾保不許
包攬科歛將養正等究招呈詳 本院批卞養正
等七名作奸詭糧拖逋日甚不一創懲何所底極
依擬贖決發落吉祥等三十四名免紙餘如照實
收繳蒙此除行鄧川州發落遵照外今據吉祥等

具訴直隸僧糧本州先經詳明勒石訖誠恐將來
弊竇復生乞照詳允再賜本府勒石永垂遵守鐵
案庶免奸豪覬覦更張以廣 國恩勅賜

皇藏祝延焚修愈壯鼓舞名山幸甚等情到府據
此合就勒石永垂恪遵倘後里書再蹈前弊串同
豪佑作奸未免貽累許卽指名赴府首告以憑通
詳依律究遣決不姑息湏至碑者

一詳允雞足山僧戶吉祥儒能等俱照舊仍爲
直隸戶錢糧自行輸納

一革里書日後不得再蹈前弊混生直隸戶口
一禁里長猾保不許包攬科歛

本府掌印同知王

理刑陳

立石

雞足山志

卷之九

碑四十一

賦

雞足山賦

大鎔和尚

繫茲山之岨峽

岨音巨山宏大峽音夾山高也

遂雄鎮於南區既

屹崒而窈曲

屹音乙崒音碎山高貌

亦豈岌而崎嶇

岌音立岌音及

山危險貌

惟僻處乎荒遠乃阻隔乎舟車余也塵情既

絕空門與徒探畏嶮而不厭

畏音畏嶮音曲也

索嶮

巖以自娛

嶮音斬平聲山高也

邁茲哈嶠

哈音合嶠音脊哈嶠山貌

駐足

躊躕每登眺而有得即載聿而咨且

聿即筆也楚謂之聿吳謂

雞足山志

卷之九

賦

三

之不聿燕謂之弗秦謂之筆

山川奇麗誠難為名井鬼分宿

前漢

書滇中分野在天屬井鬼入參七度

中台麗星

宋書滇分野麗中台上位北斗開陽一星

枕倚番緬

番西番緬即緬國也

控引川秦襟帶犍牂

犍音乾乃犍為

郡在川南牂音犍牂荆江在滇黔之界

沿邇昆明金馬輔瑞碧雞翊

靈下植坤維上承天根望之霄掩即之雲昏若夫

危峰上聳阻日干雲橫青漢而峻嶮

峻音腿嶮音罪峻嶮山高

也插玄霄而聳峯

聳音爭峯音吟聳峯高銳也

懸怪樹兮歷落

叢修篁兮紛綸方爭高以陡岷

岷音起高也

復嶮頽而

離羣

嶮音桀

繞電虹而濯影霏霞霰以騰紋矜熾嶮

今千仞羨萃律今萬尋至於重崖峻立絕壁凌空
下俯原陞上接蒼穹直如斧劈削若鬼工蛇虺仰
瞻而却步猿猱俯睇而斂躬或有靜修之士好僻
耽幽攀蘿葛以登躡援柯枝以相求傍岵岵以構
棟岵音牙岵音岸山高貌依突岵以結樓突音食山貌岵音節山之陬隅高處
曰鑿石溜以溉濡倚危岩而優游峇音額山乃夏
怪石百狀擬似莫舉端若危坐側若欲舞偃若倦息
突若武怒尖若刺雲利若割霧聳若騰蛟蹲若臥
虎時整齊而行列時錡研而齟齬錡音奇研音牙石相格貌又

雞足山志

卷之九

賦

三

有巒透岑虛洞穴廻曲門闔虧蔽廓然空腹側身
而前引以炬燭漸進步而寬平倏參郭而曠谷參音

聊郭音郭參郭幾谷貌

忽峻嶒而峭崖

嶒音坎山險也

忽坦彝而廣

陸忽渠逝而迷源忽川納而韞匱忽涵瀟為淡潭

忽奔洩為懸瀑又且乳滴凝珠髓注文毅連引纏

綿糾絡斷續或倚蓋為幡幢或豎展為旗纛或蹲

踞為鷹麟或飛舞為鸞鶴

叶胡沃切

或奇逸如仙鬼或

朴野如樵牧或樹叢而卉茸或竹笑而花簇或欹

倚為舟困或曲直為衡軸或陳設為牀几或開列

為廊屋駭象類之多奇咸凸凹以相屬豈天劃而

神鏤抑仙化而鬼劖及乎淵泉星涌滙滄為河音滄

引小水也千溪導漑漑音往大水也萬壑摧波既拂拍而涌浪

亦洶洶而洄渦洶音芮曲流也洄音高水滌洄方繞嶂而濕雲忽

注石而濡蘿高則噴珠而漱玉卑復激電而旋螺

香積接筓於峴岷峴音擲岷音郁岷岷山之間奧也花園引灌於

峻岵峻音坡岵音陟峻岵山不平也或者廻溪複澗亂石礧礧盪

觸鳴咽鏗鎔咿哦疑折竹而裂繪恍曳珮而鳴珂

雖水聲之多變亦石竅之相摩以至衆流合注迸

雞足山志 卷之九 賦 三十四

出高嶺懸為瀑布飛空掛影聲逢音彭轟而震盪氣

奮迅而洄猛洄與洄同落銀河於九天駕白虹於嶧頂

嶧音票山巔也曳素練而不收掣玉繩以長引日炤而雷

輓萬壑天晴而雨飛千頃若乃乘風擺曳映月晶

瑩千珠錯落萬霰紛零或觸崖而廻折或灑樹而

凜灑凜音亭或驚飈而旋舞飈音標或抵石而泮澎

澎音彭泮音平或霞光之絢綵或嵐影之曩陰或

飄掣而中斷或激散而罪騰或注潭而倒沸或穿

林而杳冥時或夏秋霖澍彌月不休千波快瀉萬

派爭流至若澄潭停蓄清淵泓瑟神龍伏藏頑蛟
遯匿境幽險以愴邃氣蕭森而寒栗巉巖飛突而
蔽影古木叢陰而映色千峰影倒於澄波萬樹允
涵於空質且也老樹奇古叢木繁茂阻日蔽霄號
鼯隱獸加以篔簹落翠篔音云篔音當
篔簹大竹也桂箭排青
竹之大者曰間文石以分秀繞流泉而漱清又復
桂小者曰箭名葩點綴珍果錯生茶梨春發橙橘冬榮荷芰懷
風蒲萄結陰燦爛不愆于霜雪芳菲無間于冬春
蕙芷蒙茸而葱蒨蘭菝郁馥而繽紛以至珍禽翔

雞足山志

卷之九

賦

三五

集怪獸伏藏杜鵑喚歸而啼血鸚鵡巧語而如簧
鶯鷺朝舞于華首松雞啼嘯于石梁孔雀巢依於
笏殿翡翠棲息於繩牀寒猿突豕玄鹿斑羊依啣

嘈而穴處

啣音聊嘈音曹
啣嘈山溪空也

憑榭極而囂張

榭音拆
極音濕

榭音拆

木溪貌猩猩啼烟而嘯雨啾啾吼月而驚霜

啾與
萬同

音吹周成王時州靡國獻鬻人身反踵能食人得
人卽笑笑卽唇掩其目人因而擒之左太冲吳都
賦云猩猩啼而就擒萬萬笑而被格
爾雅云萬如人被髮迅走一名梟羊偶怪厲而震

恐亦愴悴而悲涼蛇虺遊霧而多變蜥蜴咀霜而
布殃毛羽卵胎以蕃孕介鱗出沒而騰驤抑更寶

藏富與物華
淡毓雲精影

雲精雲母也入地萬歲不朽

石青

翠沐金礦沙
封銀苗笋簇
璀璨陸離英
升光燭琥

珀孕精于松
根瑪瑙茹華
于石谷丹砂
結胎于雲

房水銀流魄
于芝足鉛錫
育今鋼鐵凝
寶璣錯今

紫英伏兔絲
飛光于木杪
樹衣蒙絡于
枝曲

山中老樹

有絲蘿懸綴謂之樹衣土人取而佩之以辟不祥

鍾萃日月之精華
煥發

扶輿之清淑
乃至寺院輝
煌梵刹巨麗
飛棟雲興

雕農霞蔚金
鋪互映玉題
交媚綺窓列
而瞰江高

軒厥以臨隧

兩阜之間曰隧左思蜀都賦云開高軒以臨山列綺窓而瞰江

閣道

雞足山志

卷之九

賦

三六

緣崖而層架
廊庑附嶺而
迢遞

庑音影長廊也

禪堂蘭若

靜室精藍紅
塵不到白日
長閒天香披
拂乎精舍

松月籠映夫
石龕靜士緲
緲而達觀釋
子修修而

掩關何道念
之不永何塵
情之不剛惟
精進以終

夕庶無玷于
名山有時禪
誦朝暮梵唄
聲高威儀

肅穆器鉢精
饒燈明方丈
塔掛青霄人
天合十兩

頂禮龍鬼回
向而注翹經
咒懺律鼓磬
鐘饒疑雷

殷而雨驟恍
天風而海濤
異類聞音而
解脫宿業

得恣而除消
或者佛辰佳
節勝會良遊
積願瞻禮

香信虔酌遠千里而不憚先五夜而精求土漢錯

雜番落比述哀牢鶴拓永昌府古哀牢國也蒼

夔邛茵保音魯夔音白邛音窮皆彝種茵君長也雕題金齒九譯百郵

白濮紅巾而繫箭白白國也阿育王第二子王鶴拓奉佛不茹葷日食白飯人稱

為白飯王是為白國之祖今地名白崖即其舊都

也濮音僕大理地曰百濮春秋時屬楚國語曰叔

熊逃難于冉驪彝唱而旃裘冉驪邛笮皆西南彝見前漢書蠻姑

桶裙而賽禱蒲羅鳴角而優游蒲羅蠻也與侏儣徠徠皆南彝侏儣

靺鞨椎結鈎纒纒音溝劍頭纏絲也哈喇梯山以擎跽交緬

航海而誠投交交趾也緬即緬國邛笮占風以頂禮邏獠候

雞足山志

卷之九

賦

三七

月而歌謳士女迭進童叟混儔僧俗互市賓主淹

留吹蘆擊筑戲馬蹴毬魚龍角觝貫索垂鈎聚遠

貨以逐利呈百劇以遨遊復有登高覽古慨念荒

遐旅人忝國遊子懷家賦詩見志啖藻摘華極人

文之盛美映景物之清嘉若夫天柱山頂四觀峰

頭四觀者山頂名四觀峰東曰日觀西曰海觀北曰雪觀南曰雲觀濃陰既歛宿

雨初收雞鳴而東方影白星沒而朝旭光浮明霞

散綺於六合高瞰升采於九州西觀洱海勺水浮

漚褰裳可涉衣帶安流島嶼螺點而出沒舩艇萍

散而漂游惟點蒼之環峙展圖畫于春秋回首北
眺西域雪山連峰九疊萬仞莫攀聳聳瑩白于天半
耀銀晶于雲間望高寒之危峻懷古行之瞿曇蘆
芽穿膝于趺座鵲巢貫頂于茅菴縱目南觀佛光
隱現白雲布空五彩暈絢上下太虛光華變炫雖
炤耀乎大千實攝持于一念集萬衆以同瞻惟各
身之自見任禮拜而蹈舞畢肖像于對面是曰攝
身之光實堅善信之願又或白光瀰漫映若牟尼
周布三界普炤四維籠山河之影像映大地于琉

璃時徑寸而千里現芥子之須彌惟四觀之奇異

微峰頂之崒峴

崒音吟峴音危崒峴山高聳而險也

周迴四眺萬嶺

畢伏目極裔表勢盡川陸郡邑山水點落攢簇巨

阜大川一杯一掬曠塋平原一區一曲培塿青帶

東山峙也波流碧繞金沙逝也牛涔注注倉湖盈

也蟻垤連穴棨榆闐也東西黑子賓鄧城也微黃

黖點三川豐矣峰屯蠅集互市通矣粉黛幾抹蒼

山雪矣兒啼嚶嚶雷震疊矣濃雲半席雨露足矣

燈影一瞬電旋麓矣箕踞下視八荒咫尺河漢平

臨星斗可摘思憑虛而御風期補天而浴日至若
峻嶺廻複而凌厲曲岫修阻而宵澹連岡婉折絕
巘峻岫奔濤澎湃大壑淵澄老樹參天而虬屈修
竹叢薄而蕭森加以雲亭風榭帶阜纓岑明燈石
塔映谷藏林翠微縹緲菴寺縱橫晨鐘暮響暮鼓
警昏俗士歸誠于象教比丘止觀于聲聞羈客尋
幽而契集遊人攬勝而賞心於時春也物類欣適
景明風和嬉遊雜遝

遝音踏雜遝
行相及也

花事繁多栢子

香含於蒂萼松粉黃落於枝柯羨韶光之明媚故

雞足山志

卷之九

賦

二十九

登降而摩娑耽丘壑而窮幽異倚篁石而蔭薜蘿
禽鳥嚶鳴而喚友猿鹿馴擾而經過山溪借色于
題詠梵宇增輝丁嘯歌於時夏也山峻泉幽不知

暄暑綠樹重陰竟忘亭午

日正中
曰亭午

蔭新篁以盤桓

濯清溪而容與聽松濤以獨怡酌流泉而自煖更
復廣剎虛殿曲徑迴廊疎櫺曲檻飛閣涼堂蔽曦
曷而若翳映酷日以相忘揮玉麈而偃仰欹竹榻
而徜徉仰視飛雲奇峰倏變夕陽遠流明滅互絢
忘日長之小年惟披襟而娛宴樂山中之壺天笑

塵世之眷戀於時秋也山空霧淨天宇晶明晶音杏明

顯也風疎氣爽林壑肅清烟嵐澄徹于嶺表霖霖靜

歛于岑陰佛光晃耀于法界雪山昭瑩於化城加

以霜華著樹變綠為丹楓柏錦鎔紅紫萬端較春

花而更艷紛綺繡于林巒又或晴天夜靜皓月千

里銀漢無塵碧空如洗覺身世之明淨若冰壺之

映水於時冬也玄冥司令朔風凝寒嚴霜肅殺萬

木凋殘石骨瘦削而挺露崖根剝落而改觀惟松

栢之蒼翠獨秀色之可餐至若彤雲密布素雪飄

雜足山志 卷之九 賦 三

零千峰積玉萬壑堆銀琪樹連枝而皎潔瑤華眩

目而晶瑩任四時之代更羨茲山之幽麗烟霞百

變而長新草木籠葱而多致林泉秀雋而可懷响

嶠宏窅而堪憇响音苟嶠音雷响嶠大山高峰也嘗竊聞之區內

巨岳名山五千三百七十管子云凡天下名山五千三百七十脉絡

固爾潛通地軸復時呼吸河圖括地象云地下有八柱柱廣十萬里有三

千六百軸互相牽制况乎洞天福地竅穴相聯八

荒九州仙佛飛騫獨華首之奇異削萬仞而陡懸

飛簷迥出于雲半石門暫啓而嘗關叶圭感尊者

之深隱悟山水之因緣知地脉之隆盛駐佛祖而
不遷開宗門之五派分震旦以流傳闡心性之微
旨實獨契乎先天雖達磨之授受實迦葉之本源
笑何時而再見花何自而重拈亂曰望千峰之巖
嶠兮巖音疽巖嶠高崖也峙宇宙而獨隆攬扶桑於日出兮
挹虞淵之泓溶掛斗牛於睂際兮引河漢於虛空
蒙岑遏日而蹴月兮溪泉分派而西東布雲霞以
爲衣兮叢卉木以爲裳密經緯於陰陽兮知包括
之綿長建佛祖之靈域兮故體鎮乎要荒又爲之

雞足山志

卷之九

賦

三十一

歌曰天地未剖一氣不分兮茲山嶧嶠於何託根
今天爲之根闔闢無門兮地爲之門出入無垠兮
渾兮淪兮將何名兮

